



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XIV. Die Ianvarii.

urn:nbn:de:hbz:466:1-9625

quæ mandat, omitti, omni perattentæ curæ ac exempli pondere in id intentus; atque si quispiam sociorum aliquid voluntariæ afflictationis, palam susciperet, semper illius in ea comes. De diuinis familiaris illi sermo ac frequens, nec siccus à lachrymis; maximè cum de Christo paruulo nascituro ad socios diceret pridie eius fe-

sti. Ab Hollandis per iter capus, & in Belgium asportatus, Amsterodami in carcerem, ac vincula constrictus est post multas ærumnas nauigationis. Biennio istic summa egestate exacto, liber tandem Romam, inde in Lusitaniam profectus, & suæ Brasiliæ restitutus, istic maturum vitæ tam piæ ac laboriosæ finem inuenit.

XIV. DIE IANVARIJ.

P. IOANNES DE LA
HAYE SERVIVS.P. MARTINVS
DE MELLO.

14. Ian. Belgica Duaci. 1614.

Fiducia.

Humilitas.
Pittas.

Sacrum.

Paupertas.

EXperrectæ semper, & quæstuosæ in Deum fiduciæ vir, etiam in redomi valdè arctâ, magno Duacensis Collegij bono. Quidquid litterarû dabat ad viros maioris nominis, eas primò ad Patrem spiritualem expendendas afferebat. In suo conclau pro stationibus obeundis imagines hæc & illac affixerat, quas obibat, cum in templo id æquè crebrò ac vellet, non posset. Hunc Belgæ inter magis illustria Belgij lumina censuere. Per magna illi semper, quantæ demumcunque occupationes irruerent, ad Sacrificium diuinum persanctè celebrandum apparatus, vita vbique intenta, paupertatis tanta religio, vt ne, repertæ quidem vnus aciculæ vsumadmitteret, nisi magnâ reuerentiæ significatione rogatus Superior auuisset.

Cum Collegijs, vel Prouinciæ præcesset pollebat suauitate nulli suspectâ & arte obliuionis, quâ debebat, quicquid vllus deliquisset, si tamen emendasset. De Societate tam tenerè loquebatur & audiebat, vt animi sensum dissimulare non possent oculi, & cadentes ab illis vbèrtim lachrymæ. Fidelis erat & seuerus alienæ famæ custos, ne quid maculæ ab vlla lingua illo præsentè acciperet. Obedientia erat illi norma examinis, ad hanc enim expendebat quicquid torâ die dixisset aut egisset, an id obedienter sit factum. Castitas illi tam nitida, vt illum nunquam expiatione vllâ eguisse affirmant. Paupertatem habuit reuerenter vt matrem, & velut illius verè filius haberi voluit. Per totos triginta annos eadem illi vestis, si tamen eadem dici potest, cum cento fuerit è frustulis, maiore paupertatis, quàm vel sui commodi, vel alieni oris de hoc aliquid fortè dicturi curâ.

Lusitanus.
Eboræ. 14.
Ian. 1617.
ætat. 70.
Soo. 15.
Superior.
Vocatio.

Obed.

Paupert.